



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

LIBANGA 12

SISWATI LULWIMI LWASEKHAYA (HL)

LIPHEPHA LESITSATFU (P3)

LWETI 2010

EMAMAKI: 100

SIKHATSI: 2 ½ ema-awa

Leliphepha linemakhasi lasi-6.

TICONDZISO KULABAHLOLWAKO

1. Leliphepha lehlukaniwe tigaba LETINTSATFU:

SIGABA A:	Indzaba	(50)
SIGABA B:	Ematheksthi emibhalombiko lemidzana	(30)
SIGABA C:	Ematheksthi lamafisha emibhalombiko/laticukatsilwati	(20)
2. Phendvula MUNYE umbuto ESIGABENI A, MUNYE ESIGABENI B, NAMUNYE ESIGABENI C.
3. Bhala tonkhe timphendvulo ngeSiswati.
4. Cala LESO NALESO sigaba ekhasini LELISHA.
5. Hlela (Sib. libalavemcondvo, umdvwebo, ifloshadi, njll.) uphindze uhlunge emaphutsa emsebentini wakho. Cala ngeluhlaka ngembikwekubhala indzaba.
6. Luhlaka aluvetwe ngalokucacile. Dvweba umugca lovundlile etikweluhlaka.
7. Citsa lokungenani imizuzu lengema-80 ESIGABENI A, lengema-40 ESIGABENI B nalengema-30 ESIGABENI C.
8. Tinombolo tetimphendvulo atihambisane naleto letisephepheni lemibuto njengobe tinjalo.
9. Nika leyo naleyo mphendvulo sihloko lesifanele.

CAPHELA: Sihloko asingabalwa nakubalwa linani lemagama.
10. Bhala ngebunono nangesandla lesifundzekako.

SIGABA A**UMBUTO 1**

Bhala indzaba NGASINYE saletihloko letilandzelako ibe ngemagama langabi ngaphasi kwala-340 aphindze angabi ngetulu kwala-390.

- 1.1 Ngekubona kwakho ngabe Iningizimu Afrika kukhona yini lekuhlomulile ngalomdlalo wendzebe yemhlaba i-FIFA 2010? Bhala indzaba unike umbono wakho.

[50]**NOBE**

- 1.2 Thishelanhloko lomusha wesikolo sakho uletse tingucuko letinkhulu kulesikolo. Bhala indzaba lefakazela lombono.

[50]**NOBE**

- 1.3 Bhala indzaba lapho uchaza khona ngentfutfuko leletfwe yithekhinoloji eNingizimu Afrika.

[50]**NOBE**

- 1.4 Bhala indzaba ngebuhle nebubi bekutsi bantfwana besikolo basebentise bomakhalekhukhwini etikolweni.

[50]**NOBE**

- 1.5 Imihla nemalanga emmangweni kubikwa ngetehlakalo tebantfwana labalahlekako batfolakale sebabulewe, labanye badlwenguliwe nobe bacwiyiwe. Bhala indzaba ngemasu langentiwa kucedza lomkhuba lomubi nakangaka.

[50]**NOBE**

- 1.6 Bhala indzaba ngekutiphatsa kwebantfu labasha emmangweni wangakini ucondzise kulokwenteka kulesitfombe lesingentasi nalokunye lokungakabalwa kulesitfombe.



[50]

NOBE

- 1.7 Bhala indzaba ngathishela lowaba neligalelo lelihle emphilweni yakho.

[50]

NOBE

- 1.8 Bhala indzaba ngesihloko lesitsi: Liphupho lelangishiya ngijuluke ngimanti ngitse nte.

[50]

SAMBA SIGABA A: 50

SIGABA B**UMBUTO 2**

Khetsa KUNYE kulokulandzelako ubhale ngako ngemagama langabi ngaphasi kwala-100 aphindze angabi ngetulu kwala-120.

2.1 INCWADZI YEBUNGANI

Umngani wakho ukuvakashela kutewucitsa emaholide. Utfole kutsi usebentisa tidzakamiva. Uzamile kukhuluma naye ngengoti yekusebentisa tidzakamiva kepha akazange akulalele. Mbhalele incwadzi umeluleke ngengoti lengamehlela ngalesento sakhe.

[30]**NOBE****2.2 EMAMINITHI NELUHLELO LWEMHLANGANO**

Sikolo senu sibe nemiphumela lemibi kulomnyaka lowengcile. Kubitwe umhlangano webafundzi kutewubonisana ngalokungentiwa kulungisa lesimo. Bhala luhlelo nemaminithi alomhlangano.

[30]**NOBE****2.3 INKHULUMOMPHENDVULWANO**

Wena ufuna kuyewufundza esikolweni lesisedolobheni. Batali bakho bakhala ngekungabi netimali letanele tekukuyisa khona. Bhala inkhulumomphendvulwano emkhatsini wakho namake wakho lapho nibonisana khona ngalendzaba.

[30]**NOBE****2.4 UMLANDVOMPHILO**

Litiko Lemasiko, Imidlalo Nekukhibika likhiphe sikhangisi semsebenti wekuba ngumgcugcuteli wetemidlalo. Kutsiwa umuntfu lotawutfola lomsebenti kufanele abe naloku lokulandzelako:

- Akwati kukhuluma Siswati kanye nalolunye lwetilwimi letisemtsetfweni kulelive
- Abe netincwadzi tekushayela
- Akwati kusebenta ngangcondvomshini

Bhala umlandvomphilo wakho lotawutfumelela Litiko Lemasiko, Imidlalo Nekukhibika njengobe uwufundzele lomsebenti.

[30]**SAMBA SIGABA B: 30**

SIGABA C**UMBUTO 3**

Khetsa KUNYE kulokulandzelako ubhale ngako ngemagama langabi ngaphasi kwalange-80 aphindze angabi ngetulu kwala-100.

3.1 SIKHANGISI

Thishelanhloko wesikolo sakho umemetele kutsi sesitawuvalwa lesikolo ngenca yelinani lelincane lebafundzi. Bhala sikhangisi lesitawuheha bafundzi kutsi bete batewufundza kuso kute kube nelinani lelenele kutsi singavalwa.

[20]**NOBE****3.2 TINKHOMBANDLELA**

Ekhaya kini nilindzele tivakashi letingayati kahle indlela. Bhala tinkhombandlela letitawutilandzela kusuka esikhungweni semaphoyisa angakini kuyewufika ekhaya kini.

[20]**NOBE****3.3 LIKHADI LESIMEMO**

Uphumelele kahle etifundvweni takho takamatikuletjeni. Utawube unemcimbi wekukuhalisela. Bhala likhadi lesimemo umeme umngani wakho kutsi ete kulomcimbi.

[20]

SAMBA SIGABA C: 20
SAMBA SAKO KONKHE: 100